



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Ven. Viri Thomæ Malleoli A Kempis, Canonici Regvlaris
Ordinis D. Avgvstini. Opera Omnia**

Thomas <von Kempen>

Dvací, 1625

De rigore eius in victu & vestitu. XI.

[urn:nbn:de:hbz:466:1-45790](#)

amantissimi patris reuelauit, ut in compulsione campanarū, multis ciuib⁹ audientib⁹ manifestauit: eiusque animam vna hora purgatam, ad cælestē gloriam transisse quibusdā amicis suis secretius indicauit. Sed nec ipse diu postea superuixit. Nam triennio ferē transfacto, mortalitatis tempore carnis debirum Domino se vocante persoluit. Nec fuit otiosa huius visitationis peregrinatio, nec infruictuosa tam sancti patris allocutio, sed viuæ vocis eius informatio siebat nutrimentū amplioris dilectionis, & augmentum noui seruoris: sicut in quadam epistola, ad eosdem fratres de Viridi valle directa, testatur dicens: Intime commendari desidero preposito & priori, cuius scabellum pedum, tam in hac vita quam in futura, (quia anima mea ipsi præ cunctis mortalibus amore & reverentia conglutinata est) fieri concupisco. Ardeo adhuc & suspiro vestram præsentiam, & de spiritu vestro renouari, & inspirari, & mihi impertiri.

CAPVT XI.

De rigore eius in viciis & vestitu.

1. Domestica autē conuersatio ciuis qualis fuerit, paucis editam. Ipse namque normā viuendi sibi statuit, & multa deuota exercitia compilando descripsit. Valde sobrius in comedendo fuit: & penè omni die uno prandio contentari consuevit. Sōni necessitatē sic temperauit, vt septem horas pro quiete sufficere existimaret. Extra domum suam comedere, à quocumque etiā inuitatus, noluit: deuitans familiarites secularium & longas epulationes divitum, in detrimentum egenorum. Tam rigide suum propositum tenuit, vt nemo eum inuitare aut moleste precibus auderet. Et in hac conscientia bonis viris sic placuit, vt malis omnem obloquendi tolleret ansam. Attamen aliquos pauperes Deo seruientes, & interdum unum vel duos honestos burgenses, ad suam mensulam conuocauit ob instructionē vi- tæ melioris, quos vberius suavitate cælestis sermonis refecit quā ferculis accuratis, quæ minimē præparauit. Siue enim solus siue cum hospite edebat, lectio sancta præibat, sermo edificati- uis ex ore mellito fluebat: alias, silentiū suum stricte tenebat.

2. Longè ab ore eius risus & iocus, logius detractionis nævus: aut, qui ad rem non pertinet, rumor secularis. Sermo eius sale conditus; & super omne delectamentum, Dei cultus & animæ salus sapiebat edenti. Inter hæc etiam mensæ cælestis in regno Dei, & dulcis societatis sanctorū, post grande huius mundi exi- liū recordabatur; sicque hospites suos reddidit lætos in Domi- no, in corde cōpunctos. Habebat autem refectoriolum modicū,

in



in quo pauci cum eo poterant discumbere. Vbi in propinquuo, contra mensam stabat promptuarium libris optimis refertu, ut si ferculum corporis non placeret, ex copia librorum poculum anime amicis suis propinaret. Sæpe etiæ cibos insultos aut exustos edebat, non impatiens, sed gratias agens, & tamquam pœnam de præteritis bonis exigens & persoluens. Ipse sibi cibos coquere solebat, licet peritiam coquendi non haberet.

3. A sororibus autem, quæ in vicina domo segregatim morabantur, suscipere seruitium deuitabat. Si quid forte emendu esset in foro venali, hoc illæ prouidebant; nullam tamen ad suum domicilium ingredi permisit, sed vñjus clericis solatio contentus fuit. Cuncta ad honestatem bona famæ, tam intus quam foris disponebat. Et ne suspecta res notaretur, nulli sororu nisi clausa & obuelata fenestra loquebatur. Quod si aliquid ipsi dandu erat & ministrandum, per volubilem rotam, hoc inferebatur. Vnde quidam discipuloru eius videns eum tam sollicitè custoditum, quæsiuit ab eo familiare verbū, dicens: Quare bone magister, tam diligenter obstruitis fenestram vestram? Respondit verbū edificatione dignum. Si possem, etiam aures obturare, ne voces earum audirem. Siquidem abundans cautela non nocet. Omne enim scandalum & periculum fragilium personarum, ex incustodia sensu & nimia familiaritate venit. Qui ergo vult seruare continentium, visum reprimat & auditum: nam sola necessitate cogente, cum feminis timoratè est loquendum.

4. Ieiunia autem sanctæ ecclesiæ multum strictè obseruabat. Ferijs sextis à laeticiniis penitus abstinebat: & sæpè istis diebus condimento salis pro oleo vtebatur. Scutellam suam raro lauit, sed pane turgebat, aut catello & muribus lingendam exposuit, nec mucidum panem abhorrebat. Ferijs quintis vero ob paraseuen sequentem, cuncta valeula sua ab omni sorde pinguedinis cœna facta abluebat in aquis. Erat igitur iucundus in Domino, modicis & simplicibus necessariis contentus, superflua ressecans, delicata non requirens, sibi rigidus & parcus, alijs misericors & benignus.

5. Vestimenta eius grisei coloris erant, & humiliter formata, non mollia, non nitida, nō multis rugis complicata, raro noua, & ob vetustatem quandoq; attrita, quæ modicis etiam panniculis fecerat resarciri. Nec erubuit homo bene natus, inter amicos & concives videri abiectus in vestitu. Gestauit perinde ruptum pelliceū, multis particulis repectiatum, pauperibus & mendicantibus consimile, diuitibus aspernabile: deuotis tamè exemplare, & posteris sanctum memoriale. Omnis siquidem amicus illius nō magni valoris erat, sed non paruæ virtutis. Nam

Feminarū
vitandum
commer-
cium.

totus ornatius eius ab intus lucebat; ideo externos non curabat obtutus. Quæ prius vix aspexisset, istis iam delectabatur inuoluui. O virum inclytum, non mollibus indutum, sed cum Ioanne duris cilicij sagis opertum, cum Christo quoque sanctæ paupertatis pannis amictum!

6. Interrogatus est aliquando à quodam familiarium amico, quare tam antiquum & subunculatum pellicium portaret, unde rusticanus homo erubescere potuisset? Respondit more suo grato & iucundo: In hoc quæro commodum meum, ne frigus patiar, & ne ventus per foramina intret, si non essent obstructa. Hoc audiens frater ille, valde ædificatus fuit, perpendens quod non mundo, sed Deo tantum placere desideraret. Quæsitus est etiā de pellicio suo & tunicis, quot annorum essent. Qui ait: Maius pellicium, quod superius gero, ultra nouem annos habet: sed paruum, quod subrūs porto, duorum annorum est. Quamdiu inquit, portasti tunicam tuam? At ille: Una duodecim annorum est, altera verò trium. Poterat ergo cum sancto David dicere, Dominō fiducialiter supplicando: *Vide humilitatem meam & laborem meum, & dimitte universa delicia mea.*

Psal. 24.

7. Recordabatur enim humilis magister & paupertatis sectator, qualis dudum in seculo fuisset, cum delicias amaret; quoniam oportet recte iudicio, cōtraria contrarijs curare. Olim si quidem pulchris vestibus & cingulo deargentato processit in publicū, transit etiam inter canonicos, cum superpellicio subtilissimo & almutio formoso, corpori suo lautiiora sæpe indulxit alimenta, & pocula preciosa. Sed postea mutatus in virum alterum, non est passus priora inulta transire: subiecitque se nō solūm pedibus maiorum & honoratorum, sed etiam nouissimorum laicorum, coram eis super nudam terram aliquoties comedendo, ita inquiens: Non sum dignus vobiscum in sedili ad mensam sedere, quia plus omnibus peccavi, & Deum offendidi. Et qui capiti suo loturam superfluam frequenter exhibuerat, crines molliter componendo; postmodum sibi ipsi indignatus, birretum gessit in capite valde vetustum, à tineis corrosum, & penè centum foraminibus pertusum. Magnam igitur sibi violentiam fecit, carnem subegit, mundum contempsit, caput serpentis antiqui contriuit. Nec vita sibi dominari permisit, sed Christi duce per viam humilitatis cōstanter incessit, vitam suam secundūm mores sanctorum Patrum legitimè conformando.

CAP V T

